



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

古 0 9
8

古 492.60
(87)
:4





漢石例卷五

寶應劉寶楠錄

雜例



表界域例

洛陽縣碑洛陽北界

水經注河水五載此碑云河之南岸有一碑北面題云云

靈邱縣碑冀州北界

水經注滹水篇高山上有石銘題言云云

汝水石柱河南界

水經注汝水篇載此碑云三屯谷水出南山北流逕石榻東柱側刊云河南界又有

一碣題言洛陽南界碑柱相對既無年月竟不知何代所表也

右三石雖未的知漢代所立洪氏采八隸釋蓋以為漢刻也從之

表鄉聚例

臨淄碑梧臺里水經注淄水篇系水又北逕臨淄城西門北而西流逕梧宮南其地名梧臺里西有石柱
碑漢熹平五年立其題云梧臺里

表宮殿例

淮南厲王殿石中殿弟廿八

阮大傅學經室集

學經室集甘泉山獲石記云甘泉山惠照寺階下四石其文字在篆隸之間其一石可辨者中殿弟廿八凡五字又一石弟百卅三字其二石未能辨江鄭堂曰此漢淮南厲王冢冢上石也余按揚州甘泉山舊志皆以為漢厲王冢沈約宋書樂志陳思王樂歌云中殿宜皇子然則皇子所居可稱中殿 按漢代王公墓上皆有寢廟此必寢廟中

殿石

漢書哀帝紀義陵民冢不妨殿中者勿發如淳曰陵上有宮牆象生制度為殿屋故曰殿中師古曰此說非也殿中謂壙中象正殿處案史無稱壙中為殿中者蓋陵寢也如說是然宮殿標識亦同故

特為此例

表陂池例

魯孝王石刻五鳳二年魯卅四年六月四日成

金石文字記

高氏德裔

金人

記曰魯靈光殿基西南卅步曰太子釣魚池

蓋劉餘以景帝子封魯故土俗以太子呼之明昌二年詔修孔聖廟匠者取池石以充用土中偶得此石側有文曰

五鳳二年者宣帝時號也又曰魯卅四年六月四日成者

以漢書考之乃餘孫孝王之時也

金石文字記曰上書天子大一統之年而下書

諸侯王自有其國之年此漢人之例也 王氏澗竹雲題跋曰德裔題記以此書為石朱竹垞曝書亭集則云五鳳二年塼篆文今雖模糊然斷是隸 案表界域者書方面不是篆竹垞竟目為篆皆不可曉

表鄉聚者書里名表宮殿者書工作表陂池者書年月此

例之簡而質者也然亦有宜詳者表界域則兼及鄰邑隸續

南安長王君平鄉道碑維平鄉明高大道北與武湯西與蜀郡青衣越備通界 水經注漉水篇北平縣界有漢熹

平四年幽冀二州以戊子詔書遣冀州從事王球幽州從事張眼郡縣分境立石標界具揭石文案此標界域而詳

載詔書及分境立石人者惜 表鄉聚則兼及人文水經注

碑文未錄無以知其體例 宜城縣有太山山下有廟漢末名士居其中刺史二千石

卿長數十人朱軒華蓋同會於廟下荆州刺史行部見之雅歎其盛號為冠蓋里而刻石銘之此碑於永嘉中始為

人所毀其餘文尚有可傳者其辭曰峩峩南岳烈烈離明寔數俊又君子以生惟此君子 表宮殿則兼及受命之由作漢之英德為龍光聲化鶴鳴

蔡中郎集光武濟陽宮碑惟漢再受命曰世祖光武皇帝

考南頓君初為濟陽令濟陽有武帝行過宮常封閉帝將

生考以令舍下濕開宮後殿居之建平元年十二月甲子

夜帝生時有赤光室中皆明使卜者王長卜之長曰此善

事不可言歲有嘉禾一莖生九穗長於凡禾因為尊諱王

室中微哀平短祚姦臣王莽偷有神器十有八年罪成惡

熟天人致誅帝乃龍見白水淵躍昆上云云 又案表宮

殿文東京初已有之玉海載班固泗水亭碑文云承累流

裔襲唐末風寸木尺 表陂池則兼及灌溉之利水經注汝

土無俟斯亭是也 縣青陂碑稱青陂在縣坤地源起桐柏淮川別流入于潺

溪逕新息牆陂行入襄信界灌溉五百餘頃 又河水四渠水又南逕高門原南又東南逕華池南池在夏陽城西北故司馬遷碑文去高門華池在茲夏陽渠水又東南逕司馬子長墓北墓前有廟廟前有碑永嘉四年漢陽太守殷濟瞻仰遺文遂建石室立碑樹柏案上文司馬遷碑即下文殷濟所立碑碑以表 詳畧各宜作者權題以立例可也 遷墓非以表川原故不錄

為宮殿立碑敘立碑人爵里姓名例

光武濟陽宮碑小臣河南尹鞏瑋顧見神宮追惟桑梓褒述

之義用敢作頌

蔡中郎集

為古墓立碑敘立碑人爵里姓名例

王子喬碑相國東萊王章字伯義乃會長史邊乾訪及士隸

遂樹元石紀遺烈

蔡中郎集

書修學校年月工程例

太學碑建武二十七年造太學年積毀壞永建六年九月詔

書修太學刻石記年用工作徒十一萬二千人陽嘉九年八

月作畢

水經注穀水篇

書修祠宇年月工程例

梁相孔耽神祠碑其內洞房四通外則長廡功賦合出卅萬

呂光和五年歲在壬戌夏六月訖

隸釋

書修隄堰爵里姓名年月工程例

滎口石門碑惟陽嘉三年二月丁丑使河隄謁者王誨疏達

河川述荒庶土

明譚元春校曰述疑作遂按述遂通用下稱遂休功是也

云大河衝塞侵

齧金隄以竹籠石葦葺土而為邊

近趙一清定本過作場

壞隤無已功

消億萬請以濱河郡徒疏山采石壘以為鄣功業既就徭役

用息未詳

譚校曰玉海二十一卷引此文無未詳二字疑衍案趙本作幸未二字

詔書許誨立

功府鄉

趙本鄉作卿是規基經始詔滎加命

譚校曰滎疑作策遷在沈州乃

簡朱軒授使司馬登令纘茂前緒稱遂休功登以伊洛合注
 大河南則緣山東過大伾回流北岸其勢鬱蒙濤怒湍急激
 疾一有決溢彌原淹野蟻孔之變害起不測於是伐石三谷
 水匠致治立激岸側以捍鴻波隨時慶賜說以勸之川無滯
 越水土通演役未踰年而功程有畢故遂刊石記功垂示于
 後使河隄謁者山陽東昏趙本昏司馬登字伯志云云水經注
水一 此注上文云漢靈帝建寧四年於敖城西北壘石為門以過渠口謂之石門石銘云建寧四年十一月黃場石也而主吏姓名磨滅不可復識

隸釋廣漢太守沈子琚縣竹江堰碑有爵里姓名年月不
 及工程文多闕碑云熹平五年五月辛酉朔一日辛酉縣廿縣南川宮黃化出家錢建

云云廣漢太守潁川長野縣沈君諱字子琚縣廿令安定樊君諱云云君遣掾鄭施云云碑末縣丞犍為屬國王卿諱字季河云云

書修橋梁爵里姓名年月工程例

洛陽建春門石橋柱銘陽嘉四年乙酉壬申詔書以城下漕
 渠東通河濟南引江淮方貢委輸所由而至使中謁者魏郡
 清淵馬憲監作石橋梁柱敦敕工匠盡要妙之巧攢立重石
 累高周距橋工路博流通萬里云云河南尹邳崇隗丞渤海
 重合雙福云云三月起作八月畢成水經注穀水篇

洛陽伽藍記建春門外穀水東入陽渠石檻橋橋有四柱
 在道南銘云漢陽嘉四年將作大匠馬憲造逮我孝昌三

年按孝昌魏明帝紀年大雨頽橋柱始埋沒道北二柱至今猶存銜

之按劉澄之山川古今記戴延之西征記並云晉太康元年造此則失之遠矣

開通褒斜道石刻永平六年漢中郡以詔書受廣漢蜀郡巴郡徒二千六百九十人開通褒余道太守鉅鹿鄒君部掾冶級王宏史荀茂張宇韓岑等興工作太守丞廣漢楊顯將相用始作橋格六百二十三間大橋五為道二百五十八里郵亭驛置徒司空褒中縣官寺并六十四所凡用功七十六萬六千八百餘人瓦卅六萬八千八百四器用錢百四十九萬九千四百餘斛粟九年四月成就益州東至京師去就安隱

宋晏裒釋文 按釋文開通褒余道開字道字闕冶級誤治級等興誤弟典丞下廣漢二字闕將相誤將隕今據金石萃編所摹碑文補正又案瓦字當有誤今無文以正之

兩漢金石記曰鄒君不著其名廣韻漢有東海太守鄒熙古今姓氏書辨證云因官居焉望出東海者也橋格即橋閣字然閣字本非其義格則枝架之名此格字當為正也

案余即斜隱即穩不言者人所皆知

首書倡修隄堰人次及繼修人末復書倡修繼修同修及作銘人例

滎口石門碑惟陽嘉三年二月丁丑使河隄謁者王誨云云詔滎築之加命遷在沈州乃簡朱軒授使司馬登云云碑末

使河隄謁者山陽東昏司馬登字伯志代東萊典城王誨字孟堅河內太守守城向豺字伯尹丞汝南鄧方字德山懷令劉丞字季意河隄掾匠等造陳留浚儀邊韶字孝先頌石銘

水經注
濟水一

首書倡修橋梁人其同修者碑文三見末及義工義徒例

蜀郡屬國辛李二君造橋碑碑首刻二人冠帶相向橫書蜀郡屬國明府潁川陽翟辛君字通達卿犍為李君字仲曾□□碑文惟延熹龍在甲辰三月甲子造此笮橋五月甲午竟領道楊□荷杜仁領道楊瑗云云又領道杜沂楊瑗作笮

橋梁帥爾徒屯待事楊□□□守古荷賊曹掾杜仁云云碑

末領道闕漢嘉楊瑗字□□云云義工云云義徒云云隸釋

書修門闕爵里姓名年月工程例

西嶽石闕銘永和元年五月癸丑朔六日戊午宏農太守常

山元氏張勳為西嶽華山作石闕高二丈二尺金石錄案此不入嶽廟

石闕題詞例者以彼例所錄太室銘稱頌嶽神此但書立闕爵里姓名年月工程故別為此例

金石錄曰永和漢順帝晉穆帝姚泓皆有此號穆帝時華

陰不屬晉以此碑字畫驗之恐非姚泓時蓋漢刻也

書修道路爵里姓名年月工程例

蜀郡太守何君閣道碑蜀郡太守平陵何君遣掾臨邛舒鮪

將徒治道造尊榿閣袤五十五丈用功千一百九十八日建

武中元二年六月就

釋

青衣尉趙孟麟羊竇道碑羊竇道舊故危險回遠百姓患苦

永初六年青衣尉南安趙孟麟更易由此道時典主通道者

積谿故吏梁汜捕盜賊王留永元十一月九日造

同

何君不書名字趙君不書名尊之也然後世無聞焉羊竇

道碑有年月無工程者文不備 有僅書年月日及工師

里姓名者隸續劉讓閣道題字是也

題字云建寧元年十月上旬工榿為武陽

劉讓 其文太略不可為例

書修道路爵里姓名及立碑人爵里姓名例

司隸校尉楊孟文石門頌故司隸校尉榿為武陽楊君厥字

孟文廢子由斯得其度經云云至建和二年仲冬上旬漢中

太守榿為武陽王升字稚紀勒石頌德以明厥勲云云

釋

隸釋曰碑云司隸校尉楊君厥字孟文水經及歐趙皆謂

之楊厥碑楊淮碑云司隸校尉楊君厥諱淮字伯邳大司

隸孟文之元孫也始知兩碑皆以厥為語助此乃後政頌

其勲德故尊而字之不稱其名自注華陽國志楊君名渙

案此碑不書名若非華陽國志則其名終沒故碑文不

書名非也

書修道路爵里姓名渾書立碑人不載爵里姓名例

武都太守李翁西狹頌漢武都太守漢陽阿陽李君諱翁字伯都云云郡西狹中道危難阻峻敕衡官有秩李瑾掾仇審因常繇道徒鑿燒破析刻召確嵬行人懼怖乃刊斯石云云

隸釋

李翁析里橋郿閣頌太守漢陽阿陽李君諱翁字伯都云云

乃俾衡官掾下辨仇審改解危殆即便求隱析里大橋於今

乃造臣□□勒石示後云云

同上

碑首書表字末書記字例

廣漢長王君治石路碑表長廣漢王君建和二年冬任掾楊

□攻治破壞功夫九百餘日成就通達永傳億歲無窮記

隸釋

隸釋曰碑以表字題其上漢書溝洫志武帝穿漕渠令齊

人水工徐伯表注謂巡行而表記之與此同意案隸釋所

云是也史記夏本紀行山表木索隱云立為表記

陳君立曰案說

文木部棊字注云槎識也从木夨闕夏書曰隨山棊木讀若刊然則古文尚書作棊訓為槎識正與立木表道之義相發明故夏本紀行山表木即書之隨山棊木也皆古文家說鄭孔訓為刊除夫九州山木多矣恐刊之不勝刊也

恭冕曰表記即表識魯峻碑博覽羣書無物不棊廣雅記棊志識也可證陳說

呂氏春秋察今

篇荆人欲襲宋使人先表澶水澶水暴溢荆人弗知循表

而夜涉秦始皇紀表南山之顛以為闕又立石東海上胸

界中以為秦東門正義引三輔舊事云始皇表河以為秦

東門表汧以為秦西門越世家勾踐表會稽山以為范蠡

封邑漢書息夫躬傳躬立表欲穿長安城引漕東方朔傳
詔中尉左右內史表屬縣草田西域傳辛武賢將兵至敦
煌遣使者案行表穿卑鞬侯井以西欲通渠轉穀積此皆
表記之證也擘經室集釋郵表曝曰說文表上衣也从衣
从毛古者衣裘以毛爲表荀子儒效後漢蓋勳馬援傳注
表標也呂覽慎小注表柱也禮記檀弓內則注表明也周
禮大司馬爲表注表所以識正行列也荀子大畧注表標
志也後漢書劉祐傳注表標準也管子君臣上注表謂以
木爲標有所告示也漢書淮南厲王傳注表者樹木爲之
若柱形也呂覽不屈云或操表掇以善晞望注表掇儀度

又云揚州古銅盤銘曰用大蔽散邑迺卽散用田竟竟自
瀟洮以南至于大沽一表以降二表又曰表于單道表于
原道表于周道以東表于紆東疆右還表于竟竟導以南
表于郤萊導以西至于堆莫竟竟井邑田云云觀此可見
古人以表立田地疆界之事周禮虞人萊所田之野爲表
百步則一爲三表又五十步爲一表又曰及表乃止此可
見古人闢軍以表爲界之事又云表乃井田間分界之木
也左傳襄二十五年傳表淳鹵賈逵注云淳鹵之地九夫
爲表國語周語單襄公云周制有之曰列樹以表道韋注
表識也案此則表乃分界之木所以表明遠近土功所

興必先立表功成刊石表識以示後人故以表字冠首以其立石疆界與古表同也

碑首用維字末用主字例

南安長王君平鄉道碑維平鄉明高大道云云闕王前南長

闕方主隸續

碑首用維字此訓誥體凡碑文通例也廟碑則樊毅修華

永月卑碑云惟光和元年東海相桓君海廟碑碑云惟永

云金石墓碑則謁者景君墓表碑云惟熹碑文首皆用惟

碑碑云惟漢中興云云平輿令薛君碑碑云惟延熹碑文首皆用惟

字惟維一也碑末用主字道路碑通例也蜀郡太守何君

閣道碑碑云道史任雲陳春主隸釋司隸校尉楊孟文石門頌碑云五官掾南

鄭趙邵字季南屬襄中鼂漢疆字產伯書佐西成王戒字文寶主同上碑文末皆用主字言

主治此道羊竇道碑云典主通道是也金器銘亦有此稱博古圖載漢太官

壺銘考工令史由丞或令通主又緩和壺銘掾臨主謂主製此器者

書家產例

金廣延母徐氏紀產碑元和元年五月中旬金廣延母自傷

紀考紕徐氏元初產永壽元年出門託軀金掾季本云云男

恭口字子肅年十八闕收從孫卽廣延立以為後年十八娶

婦徐氏弱冠仕闕終歿五內摧碎云云季本平生素以奴婢

田地分與季子雖直各有正域蓄積消滅責負奔亾及歸故

主三分屋一才得廿一萬六百供竟闕故文進升地一畝直

五萬五千云云故闕子叔地一畝直闕云云隸釋

隸釋曰徐氏歸于季本有男曰恭字子肅早終立從孫廣

延為後廣延又復不祿雖直似是季本庶孽不肖子分以

訾產居之于外者徐氏老而廣延死故又析其財慮雖直

為嫂姪之害也廣延雖非嫡長而事親久即世新故徐氏

舍子肅而稱廣延母也案廣延為季本嗣孫子肅嗣子

徐氏乃廣延祖母而碑稱母蔡中郎集郡掾史張元府君

碑云掾孫翻尋原祚之所由而至於此先考積善之餘慶

陰德之陽報又云於惟我考允迪懿德案翻稱祖考曰考

廣延稱祖母曰母皆非禮也敘中未錄碑文因復識於此

書宅舍例

鄭子真宅舍殘碑闕所居宅舍一區直百萬故鄭子真地中

起舍一區作錢闕故鄭子真舍中起舍一區七萬故潘蓋樓

舍并二區十一闕故呂子近樓一區五萬故像樓舍一區二

萬五千闕扶母舍一區萬二千闕鳳樓一區三萬闕車舍一

區萬闕奉樓一區二萬闕子信舍一區萬隸釋

隸釋曰凡宅舍十有二區其次有辭語有歲月云平四年

上存四點必熹平也官吏有郎中及賊曹與掾史又有左

都字彥和及胡恩胡陽陳景等姓名似是官為檢校之文

其中有宅舍奴婢財物之句其云妻無適嗣又云未知財
 事其前有為後二字則知旋立嬰孺為嗣也其云精魂未
 藏而有怨上有一字從女當是其母則知其親物故未久
 也末云春秋之義五遜為首所以戒其宗姓或女兄弟之
 類息爭窒訟也

表孝行例

都鄉孝子嚴舉碑末延熹七年五月辛未朔十一日辛巳臨
 江長愷丞杜謂都言孝子嚴舉為父行喪服制踰禮追恩
 慕義表門閭有書賢明宰卿應風生是以天仁人孝
 弟之至通洞神祇蓋淑賞則庶民勸今書到勉加

勞來以究言如詔書隸續

右碑末所載長丞旌表之文也漢代旌表用闕後漢書安帝紀甄表

門閭旌顯厥行李賢注旌表者若今樹闕而顯之用扁百官志凡有孝子順孫貞女義婦讓財救患及學士皆扁表其門亦用碑漢書龔勝傳後世刻石表其里門後

漢書淳于恭傳刻石表閭是也隸續曰嚴舉碑有文有頌
 又有亂十六句蓋嚴舉之父仕至郡守三女無男以舉為
 後舉能和顏奉親送終盡孝母氏年老事繼若真德刑州
 里官表門閭弟子共為立碑隸續所言約碑文

表軍功例

封燕然山銘惟永元元年秋七月有漢元舅曰車騎將軍竇

憲寅亮聖皇登翼王室納于大麓惟清緝熙乃與執金吾耿

秉述職巡禦治

毛本治作理此唐人避諱所改今據文選作治

兵于朔方云云乃遂

封山刊石昭銘上德其辭云云

後漢書竇融傳

敦煌太守紀功碑惟漢永和二年八月敦煌太守雲中裴岑將郡侯三千人誅呼衍王等斬馘部眾克敵全師除西域之

災蠲四郡之害邊竟艾安振威到此立德祠以表萬世

金石萃編

舊有立石今始刊詞揭於碑陰例

東海廟碑陰闕者秦始皇所立名之秦東門闕事在史記

隸釋

隸釋曰永壽元年東海相南陽君崇飾殿宇厥後山陽滿

君為作碑頌別有數句載秦東門事乃頌所謂倚傾之闕

者也碑錄胸山有秦始皇碑云漢東海相任恭修祠刻於

碑陰似此任君當又在滿君後

舊碑已壞改刊新石仍用舊文例

丹陽太守郭旻碑昔君即世雖立碑頌裁足載字加有瑕口

君之弟故太尉薨歸葬舊陵於是從子故五原太守鴻議郎

口及胥孫口懷祖之德乃更刻石不改舊文蓋用昭明祖勳

金石錄隸續載此碑瑕下乃股字即下乃柔字孫下乃范字

舊碑已壞改刊新石不用舊文例

西嶽華山廟碑自是以來百有餘年有事西巡輒過亨

同祭享

然其所立碑石刻紀時事文字摩滅莫能存識延熹四年七

月甲子宏農太守安國亭侯汝南袁逢乃案經傳所載原本所由銘勒斯石垂之于後隸釋

有舊碑雖未壞而不合式改刊新石者山陽麟鳳瑞像碑

碑云永建元年季秋七月饗時山陽太守河內孫君見碑不合禮掾夔造新刻瑞像麟鳳隸續碑圖附錄

於此不更為例

兩人共立一碑例

碑額漢故益州刺史中山相薛君巴郡太守宗正卿成平侯

相劉君碑金石錄

金石錄曰碑已斷裂其額尚全古無兩人共立一碑惟見於此隸續曰碑有祭死者及薛劉征討字殆是紀述平寇

之事趙氏誤以為墓刻故云古無兩人共立一碑者又以

劉君為成平侯相詳其額初無相字蓋王子侯也

碑首橫書蜀郡屬國明府潁川陽翟辛君字通達卿犍為李

君字仲曾

見前

前一碑趙以為墓碑洪以為紀軍功碑未知孰是後一碑

則造橋碑也故墓碑廟碑碑額中不載此例然其為兩人

共碑無疑也因特標為例

一碑載兩人碑詞例

張公神碑惟和平元年正月朝歌長鄭彬造闕張公建

闕良闕之山運置棊陽刊鑿琢磨立左右闕表神道闕豎碑

廟堂之前到五月□□乃成長□□之銘勒神懿光祕後昆其辭曰於穆張公含和泰清云云監黎陽營謁者李君畏敬公靈好鄭長文徹奉佐工悃懃勤闕吏□□□熹且惶作

歌九章達李君闕頌公德芳其辭曰棊水湯湯揚清波云云

隸釋

隸釋曰朝歌長鄭彬為張公建闕作碑銘勒神懿監黎陽營謁者李君好鄭之文既徹俸佐工又作歌九章刻之石

案碑文吏字下云作歌九章達李君云云當是李君屬吏所作洪氏謂李君自作非

案墓碑亦有

此例水經注消水篇西鄂縣南有張平子墓碑文是崔瑗之辭盛宏之郭仲產並云夏侯孝若薄其文復刊碑陰為

銘然碑陰二銘乃是崔子玉及陳翕耳而非孝若悉是隸二首並存以銘文不載故不錄

一碑載兩事例

司隸校尉楊孟文石門頌故司隸校尉楊君厥字孟文廢子由斯得其度經云云至建和二年漢中太守權為武楊王升字稚紀勒石頌德以明厥勲云云碑末王府君閔谷道□難分置六部道橋特遣行丞事西成輔服字顯公都督掾南鄭魏整字伯玉後遣趙誦字公梁案察中曹卓行造作石積云

隸釋

楊孟文通斜谷石門王升立碑頌德此一事王升又造作

石積此又一事當是立碑時撰文者附書於後 前例張公神碑當入廟碑例此碑當入道路碑例而不入者以其為變例且亦通例

神位祚几刻石例

四皓神位神祚几刻石四

金石錄

圈公神坐角里先生神坐圈

公神祚机綺里季神祚机

釋隸

當有八石神坐神祚几各四趙氏洪氏祇得其四耳金石錄曰顏師古匡謬正俗引圈稱陳留風俗傳自序云圈公之後圈公為秦博士避地南山漢祖聘之不就惠太子即位以圈公為司徒自圈公至稱十一世接班固述四皓但

有園公非圈公也云當秦之時避地八商洛深山則不為博士明矣又漢初不置司徒安得以圈公為之乎稱之說實為鄙野余嘗疑稱著書自述其世系不應妄誕如此及得四皓刻石見其所書亦為圈公乃知所述果非稱臆說至謂圈公為秦博士及惠帝時拜司徒疑無所據

神位栢椹刻石例

五君栢梓文大老君西海君東海君真人君仙人君

隸續

隸續曰黃伯思詩注宮中有方石上列圓穴五楯穴九俗

謂之九卵石側各有題記曰大老君真人君仙人君東海君西海君字與漢人隸法同其穴殊無刊刻之跡乃漢世

所作以祠真仙圓者代梓楷者代栢就石為之若窪尊之類

墳壇石例

墳壇刻石一云上谷府卿墳壇一云祝其縣卿墳壇

金石錄 盧氏

見曾曰謝本無縣字此疑衍

金石錄曰墳壇刻石二皆居攝二年三月造其曰墳壇者

古未有土木像故為壇祀之兩漢時皆如此

土木像兩漢已有但非塑

於墳壇趙氏所云尚欠分別咳餘叢考曰史記帝乙為偶人以象天神與之博則殷時已開其端國語范蠡去越越王以金寫其形而祀之國策宋王偃鑄諸侯之象使侍屏厠則并有鑄金者孟子有作俑之語宋王招魂亦云像設魏文侯曰吾所學者乃土梗耳又國策秦王曰宋王無道為木人以象寡人而射其面又孟嘗君將入秦蘇代止之

曰土偶與桃梗相遇桃梗曰子西岸之土也挺子以為人歲八月雨降則汝殘矣土偶曰吾西岸之土土殘則復西岸耳今子東國之桃梗也削子以為人雨下水至漂子而流吾不知所稅駕也則泥塑木刻戰國時皆已有之又韓非子記桓赫削之道鼻莫如大目莫如小鼻大可小小不可大也目小可大大不可更小也此又塑像之秘訣至佛像自漢武擊休屠始得其祭天金人以歸然則佛像本用金鑄其後有用土木者則轉從入中國後以中國之法為之

案古人墳與墓別稱墳不稱墓稱墓不稱墳

周禮春官序官

冢人注冢封土為土壠象冢而為之疏其職云以爵等為正封之度注云正公曰正諸臣曰封此云正不言封亦有封可知禮記云適墓不登壠聚土為壠故兼云壠禮記云古者墓而不墳又有墳稱爾雅山頂曰冢故云象冢而為之案此則冢也正也封也壠也墳也一也冢如山頂正如正封壠皆聚土墳亦大防之名詩汝墳爾雅河墳是也冢人疏引春秋緯云天子墳高三仞諸侯半之大夫八尺士四尺庶人無墳此墳之制也若然封與墳同而檀弓注云墓謂兆域今之封塋也土之高者曰墳封又與墓同者墓在塋域上塋域亦封土為之故曰封塋非墓名封也又序

官墓大夫注墓冢塋之地孝子所思慕之處疏其職云掌凡邦墓之地域令國民族葬是掌萬民之墓地也不云冢云墓者禮記云庶人不封不樹故不言冢而自漢以來有云墓據此則士以上稱墳庶人稱墓周制也

墳無墓周禮冢人注漢律曰列侯墳高四丈關內侯以下

至庶人各有差是也因以墳統名墓漢以後史傳所載諸墓皆墳也金石書所

載諸墓碑皆墳碑也而以墓旁封土之壇別名墳水經注澧水篇漢

安邑長尹儉墓東塚西有石廟又清水篇張平子墓東側

墳有張平子牌是也水經注清水篇獲嘉縣故城西有漢桂陽太守趙越墓冢北有碑睢水篇

睢陽城北五六里得漢太尉橋元墓冢東有廟墓與冢並言冢即墳壇也從事武梁碑云前設壇廂後建祠堂是也

墓碑立於墓前壇牌立於墳上張平子墓碑立於壇上蓋

壇無別牌因以墓碑樹之然墓與壇自是二處其稱卿者

隸釋曰卿者應劭所云大縣有丞左右尉所謂命卿三人

乃上谷府丞祝其丞也又曰隸刻有武開明碑終於吳郡

府丞其子榮碑書吳郡府卿漢人蓋稱其丞為卿案隸釋

蜀郡屬國辛李二君造橋碑蜀郡屬國明府穎川陽翟辛

君字通達卿韃為李君字仲曾廣漢太守沈子琚縣竹江

堰碑縣丞韃為屬國王卿諱口字季河隸續南安長王君

平鄉道碑丞汁郝王卿尉縣竹楊卿是丞尉皆稱卿

廟壇石例

陳仲弓壇碑額題故太正長穎川陳君壇金石錄隸釋曰篆額穎下闕二字

本傳云穎川許人此額所闕者穎下是川又一字當是許額題郡邑猶劉曜東平無鹽之比碑文君諱寔

漢石例

釋

卷五

三


靈石楊氏榮


隸釋曰壇廟中之壇段光為孫叔敖立廟作碑其文云興
 祀立壇是也蔡中郎凡作陳君三碑其第一碑云許令以
 下至于國人立廟舊邑則知太邛有此碑勒 案周制有
 廟壇無墳壇祭法曰天下有王分地建國置都立邑設廟
 祧壇墁而祭之又曰去祧為壇去壇為墁注封土曰壇除
 地曰墁書曰三壇同墁 徐君彙曰馬融書注云壇土堂蔡
 邕獨斷云壇謂築土起堂墁謂築
 土而無屋者也與鄭注封土除地義別說文壇祭場也場
 祭神道也不去有屋說文又云墁野土也詩東門之墁毛
 傳墁除地町町者不
 聞築高鄭注為長 據此知壇在廟中其碑有額有詞與
 墓碑廟碑例同若墳壇用二石分書官爵則用墓闕例與

此異

後漢書光武紀於是命有司設壇場於鄗南千秋亭
 五成陌即皇帝位李賢注水經注曰亭有石壇壇有

圭頭碑其陰云常山相隴西狄道馮龍所
 造碑文未載無以知其體例附注於此





漢石例卷六

寶應劉寶楠錄

總例

碑文隔圈例

嵩嶽太室石闕銘○惟中□□云云○潁川太守京兆杜陵

朱寵云云

金石萃編

兩漢金石記曰前銘句後系官名各以一圈標置於首亦

金石文所罕見

碑文空字例

樊安碑詔下空二字書年月

隸續碑式

侯成碑銘後空五字書夫人卒

同上

開母廟石闕銘重曰空二字

金石萃編

空字書年月者別異於碑文也空字書夫人者附錄也空字書重曰者斷章也據隸續漢碑皆有穿穿處皆空字此不在空字之例隸續又言郭究碑銘詞規步履方之上虛一字殺阮神碑末行空九字有一人題名又空三字楊厥碑厥當作渙高祖受命巫筆甚長所侵兩字許又空兩字方書其下一句雍勸闕銘第一重首行及第四五行七字餘皆虛其下一字案楊厥碑命字巫筆侵兩字故復空兩字句皆四言使之相齊雍勸闕銘三行七字餘行皆虛一字則句有短長字有多寡不能畫一故也其餘無故空字意如

隸續所載周憬碑陰空行以避石之裂路耶

碑文出格例

孔廟卒史孔龢碑制曰可高出一字

隸續碑式下同

袁逢修華山廟碑高祖太宗孝武仲宗並別行高出一字

樊敏

修華廟碑高祖應道出碑一字與此同

華山亭碑皇帝永思高出一字

謁者景君碑皇帝賻高出一三字後世三擡頭其始於此邪

曹騰碑皇太后及先帝高出一字

韓勅後碑皇漢高出一字

劉寬碑天子閔悼高出一字

案碑文推尊本朝以明臣子之敬其高出碑文宜也隸續

載韓勅前碑皇戲統華胥高出一字皇戲即伏羲此猶為

尊敬古皇之義錢氏金石文跋尾云自皇戲統華胥而下

字特跳上一格書之殊不可解竊意此字後人妄加王氏

懷祖漢隸拾遺云錢說是也原碑皇字出格至隸釋則與

各行平列矣兩漢金石記乃謂皇字筆法與前後正合非

後人妄加則是不論行之高下句之短長而但以其筆法

相似遂定為真迹獨不思此碑皇字凡四見後人固能依

放而為之乎案錢氏王氏並以皇字為疑此不知尊敬古

皇特跳一格之例 孫叔敖碑取後一行書年月高出一字則非禮

之敬矣至楊震碑陰複姓者十二人惟公王子舉上官仲

祖信成君嚴三川宣口四人各高出其列一字楊著碑陰

複姓者五人獨相里文調高出一字右三人沛君生亦高

出一字此何說也桐柏廟碑末有兩行題侍祠官屬以春

秋二字各題本行之上並屬不經故悉不錄

碑文提行例

楊厥碑

厥當作渙

高祖受命平闕

隸續下及注同

右推尊本朝提行以見敬楊統碑孝順皇帝老子銘皇上

曹騰碑陰制曰蔡湛碑聖朝史晨饗孔廟碑朝廷等字皆

提行是也凡碑文別有提行如遇皇帝制詔等字當出格

以明臣子之恭韓勅後碑皇漢高出一字孔聖平闕尊君

敬師二者交盡是也許君宗寅曰魯峻碑事帝則如別無

提行即以提行為推尊之義不定出格學經室三集釋宋

內有字二行一字曰朝次行八字曰王商戴公歸之造口案王字提行推尊本朝也此制周已然

華山亭碑西嶽至尊平闕

右提行以尊神孫叔敖廟碑陰相君有三嗣平闕亦尊神之義

韓勅後碑孔聖平闕

右提行以尊聖史晨饗孔廟碑昔在仲尼別作行此斷章非尊聖

山陽太守祝睦後碑祝君平闕

此墓碑也戚伯著碑前五行敘其先世至稱伯著則別行綏民校尉熊君碑銘後追敘君今別作行馮緄碑將軍體清守約將軍平闕例略同若北海相景君碑屢稱明府獨伏惟明府一句明府字平闕不可解

李翕郾閣頌太守漢陽李平闕

此德政碑也校官碑溧陽長潘君別作行廣漢長王君平

闕例略同若袁逢修華山廟碑袁府君及京兆尹皆平闕帝堯碑故濟陰太守平闕此推尊祭廟修廟之官用德政碑例也

右提行以尊所敬

孔廟卒史孔龢碑讚曰平闕

右斷章提行北海相景君碑亂曰楊渙碑序曰李翊夫人碑歎曰並提行又李翕郾閣頌頌後又有詩並別行

孔廟卒史孔龢碑兩元嘉三年及永興元年皆平闕司徒司空府亦平闕

右案牘提行史晨饗孔廟碑兩尚書字平闕例略同 咳餘叢考曰凡奏事遇至尊必高其字於眾行之上蓋自古

已然魏志景元元年詔尊崇燕王之禮凡奏事上書稱燕王者皆上平可見古時凡稱君上高出本文之上今日上平蓋另行起而與本文相平以殺於天子之式爾案高出本文即出格另行起而上平即提行

碑文空行例

度尚碑文十五行空三行刻立碑年月

隸續下及注同

右碑文已了空行書年月帝堯碑逢童子碑空一行書年月例同

綏民校尉熊君碑文十七行財及碑之半其後空數行書文春事又空一行書杜暉事末行書年月及碑師姓名與杜暉

相隔亦數行

右碑文附載二人事如史之附傳故空行以別之

馮緄碑文十四行後空三行書威宗得諡之因

右碑文附載他事亦空行別之

羊竇道碑前有文六行空一行後有文九行崖石有裂路文

避石裂故字數不等

右空行避裂路蔡湛碑文十三行空一行方刻銘又空一

行低二十三字刻年月續書除并州事周憬碑陰上一列

二十三人下一列前空七行所題者八人又空六行刻工

師姓名其亦石有癡瑕與

碑文低行例

劉寬碑末行低數字書門生商苞等姓名隸續下及注同

楊渙碑文後一行低二字書趙邵等三人姓名末行低七字

書魏伯玉徙官

李翁西狹頌末有小字題名二行低四字許

廣漢長王君碑末行低四字書立石人名

低行有二義一以見碑文已了一以見卑者賤者當謙下

若蔡湛碑低二十三字刻年月度尙碑低十三字刻年月

逢童子碑低二十許字刻年月字少不滿行故也不在低

行之例

重字旁註二字例

司隸校尉楊孟文石門頌清涼調和烝二艾寧又君德明二

焯煥彌光又無偏蕩二眞雅以方又垂流億載世二嘆誦又

勤二竭誠榮名休麗隸釋下同石門頌又云中遭元二西

元二即元元也古書字當再讀者即於上字之下爲小二

言此字當兩度言之后人不曉遂讀爲元二或企之陽九或

附之百六良由不悟致斯乖舛岐州石鼓銘凡重言者皆爲

絕若讀爲元元不成文理疑當時自有此語漢注未必然予

案漢刻如北海相景君及李翊夫人碑凡重文皆以小二字

贅其下此碑有烝烝明明蕩蕩世世勤勤亦不再出上一字

然非若元元遂書爲大二字也又孔耽碑云遭元二輒軻人

民相會若作元元下文不應又言人民漢注之非明矣王充

論衡云今上嗣位元二之間嘉德布流三年零陵生芝草五

本四年甘露降五縣五年芝復生六年黃龍見大小凡八章

帝紀所書建初三年以后龍芝甘露之瑞皆同則論衡所云

連筠籀叢書

漢石例

卷六

六

元二者蓋謂卽位之元年二年也鄧君傳云永初元年夏涼部叛羌搖蕩西州帝紀班師在二年十一月則此傳所云元二者亦謂元年二年也案隸釋考證甚精確恐後人仍以爲重字故附錄其說

北海相景君銘元二 鰥寡蒙祐以寧又拜命虎將綏元二 兮

李翊夫人碑疇匹號兮鳴譽二 又魂魄孤兮獨榮二 又嗟日

遐兮適宵二

重句旁註二點例

故民吳仲山碑柰何二 隸釋

鐘鼎文凡子子孫孫疊字或作二點或旁注小二字見博

古圖諸書文多不錄該餘叢考曰凡重字下者可作二畫

始於石鼓文重字皆二畫也後人襲之因作二點今并有

作一點者

孔氏廣森經學危言召南委蛇委蛇釋文云沈讀作委委蛇蛇案古書遇重讀者每于各字下

疊小二石鼓文君子員獵員獵員狩即書作君子員二獵

二員狩宋書樂志載諸樂府辭皆如是若秋胡行云願二登二泰二華二山二神二人二共二遊二遊二乃重讀願

登泰華山神人共遨遊二句也此詩舊本似亦作委二蛇二故沈重案作二點始見於秦刻擘經室三集秦琅邪臺

石刻拓本跋云碑所存者首行五夫二三字二行五夫二

楊穆五字十行史夫二臣德昧死言臣九字是也

銘詞稱詞例

元儒先生婁壽碑詞曰皇矣先生懷德惟明云云隸釋

綏民校尉熊君碑詞曰赫赫熊君遷基口字云云同上

司徒掾梁休碑詞曰口口文允垂棘云云隸續

銘詞稱詞常例也然各碑皆作辭說文詞意內而言外也
釋名詞嗣也今撰善言相續嗣也是詞為正字辭為假借
爰錄三碑以示例焉

銘詞稱銘例

司隸校尉魯峻碑銘曰巖巖山岳礪落彰較云云
釋隸

恭冕曰較與較同廣雅較明也

封邱令王元賓碑銘曰於穆王君穹天生德云云
隸續

銘義見墓碑例

銘詞稱誄例

北海相景君銘誄曰伏惟明府受質自天云云
隸釋

誄義見德政碑例

銘詞稱歎例

李翊夫人碑歎曰陰陽分兮鐘律滋星月列兮有四時云云

隸釋

說文嘆吞歎也一曰太息也歎吟也段氏注曰嘆歎二字

今人通用毛詩中兩體錯出依說文則義異歎近於喜嘆
近於哀故嘆訓吞歎吞其歎而不能發太息別一義與唱
義同樂記一唱而三歎有遺音者矣又云長言之不足故

嗟歎之嗟歎之不足故不知手之舞之足之蹈之論語唱
然歎曰皆是歎字檀弓曰戚斯嘆嘆斯擗詩云而無永嘆

慨其嘆矣愾我寤嘆皆是嘆字案嘆歎對文則別如說文及段氏所引是也散文則通如此碑及祝長嚴訢碑見卷一碑

文首用是也劉向九歎序云歎者傷也息也言屈原放在伊歎例

山澤猶傷念君歎息無已此歎可通嘆之證

銘詞稱頌例

文烈侯楊公碑頌曰巍巍聖猷匪師不昭云云蔡中郎集

此墓碑也中郎集劉鎮南碑交阯都尉胡夫人黃氏神誥

太傅胡公夫人靈表隸釋冀州刺史王純碑幽州刺史朱

龜碑益州太守高頤碑隸續成皋令任伯嗣碑並稱頌

東海廟碑頌曰浩浩倉海百川之宗云云隸釋

此廟碑也隸釋三公山碑梁相孔耽神祠碑並稱頌

李翁析里橋郿閣頌頌曰口口口口降茲惠君云云同上

此德政碑也頌義見墓碑例 敘文亦稱頌山陽太守祝

睦後碑是頌曰伊余祝君兆自黎辛又曰鄭有祝聃者君其肩也云云隸釋 不別為例

銘詞稱讚例

孔廟置百石孔龢碑讚曰巍巍大聖赫赫彌章隸釋

讚義見墓碑例

銘詞稱敘例

溧陽長潘乾校官碑敘曰翼翼聖慈惠我輦蒸云云隸釋

敘義見德政碑例

銘用三言例

國三老袁良碑飛清邈紛其厲云云

隸釋下同

山陽太守祝睦碑懿我君國之光云云

後碑銘文亦三言

竹邑侯相張壽碑亮元德於我君云云

隸釋郎中馬江碑北軍中候郭仲奇碑圉令趙君碑相府

小史夏堪碑隸續司徒掾梁休碑冀州從事郭君碑銘文

並三言不備錄

銘用六言例

太傅胡公夫人靈表頌曰悲母氏之不永懷殷恤以摧傷云

蔡中郎集

銘用七言例

張公神碑碁水湯湯揚清波東疏口折口于河云云

隸釋下同

此廟碑也梁相孔耽神祠頌銘文亦七言不具錄

桂陽太守周憬功勳銘乾山剖兮建兩儀剛柔分兮有險夷

云云

此德政碑也

冀州從事張表碑於穆君兮煥流芳闡洪軌兮休烈彰云云

此墓碑也李翊夫人碑銘文亦七言見前

銘用長短句例

綏民校尉熊君碑追敘君兮懷純精名稱於州里兮樞機發

動執忠貞兮溷亂而不惑云云隸釋

益州太守無名碑仲尼去魯兮君子失路喪賢君兮與誰愬

云云同上

此用楚詞體也有四言銘文忽接入長短句者議郎胡公

夫人哀讚讚云愍子小子夙罹孔艱云云疾大漸以童幼危亟兮情微微而浸衰云云蔡中郎集

胡根碑碑云於惟仲原應氣淑靈云云惜繁華之方曄兮望巖霜而凋零云云同上李翕析里

橋鄙閣頌頌云口口口口降茲惠君云云口口口口今川兌之間高山崔隗兮水流蕩蕩云云隸釋

其例同 案銘詞用四言常例也間有三言六言七言長

短句爰著為例獨無五言蓋五言似銘非銘似詩非詩故

不用冀州從事張表碑皆四言韻語末四句五言堂邑令

費鳳碑誄後載施業戚忠竭力送終之事皆五言費鳳別

碑先敘世系歷官繼以韻語六十句其三句六言餘皆五

言並見隸釋非正例也不錄

銘詞分章例

張公神碑作歌九章頌公德芳其辭曰棊水湯湯揚清波云

云見前九章相

酸棗令劉熊碑口詩王章其辭曰清和穆鑠實惟乾以云云

隸釋三章皆提行

案銘詞皆一章如頌體此則如風雅體特著為例

銘後書亂曰例

北海相景君銘誄曰伏惟明府受質自天云云爵曰考積幽
宓□□□兮云云隸釋

此墓碑也巴郡太守樊敏碑蓋州太守無名碑同

巴郡屬國辛通達李仲曾造橋碑辭曰□□我邦乾川垂極

云云亂曰□□我君明且□兮云云同上 此營建碑

都鄉孝子嚴舉碑頌曰□□□炎曜隆赫云云亂曰休哉休

哉□□君□云云隸續 此旌表碑

國語閔馬父曰昔正考父校商之名頌十二篇於周太師
以那為首其輯之亂曰自古在昔先民有作溫恭朝夕執
事有恪案此則樂之卒章名亂史記孔子世家關雎之亂

以為風始是也關雎葛覃卷耳燕禮鄉飲酒禮合樂時方歌此三章於樂為卒章於詩為首章故云

亂為始楚詞離騷經及九章中之涉江哀郢抽思懷沙四篇

篇末並有亂曰宋玉以後騷賦家競倣其體延及漢末碑

刻亦然王氏逸注離騷曰亂理也所以發理詞指總撮其

要也屈原舒肆憤懣極意激詞或去或留文采紛華然後

結括一言以明所趣之意也韋氏昭注國語曰凡作篇章

義既成撮其大要以為亂辭詩者歌也所以節舞者也如

今三節舞矣曲終乃更變章亂節故謂之亂也

銘後書重曰例洪氏興祖楚詞遠遊篇重曰補注重直用切

開母廟石闕銘□□□□□百川云云以上銘文重曰□□□

□□□德洋溢而溥優云云

金石文字記

楚詞遠遊重曰春秋忽其不淹兮奚久留此故居云云王氏注憤懣未盡復噉辭也洪氏離騷經補注離騷有亂有重亂者總理一賦之終重者情志未申更作賦也金石文字記曰石闕銘重曰二字出楚詞遠遊篇所謂言之不足而長言之也井叔語以為重日而云是年月一行案此一行今存六字二年之下重日之上空后未鐫益明其非紀日矣漢書班婕妤自悼賦文選潘岳寡婦賦亦竝用重日二字

銘後書敘曰例

司隸校尉楊孟文石門頌辭曰君德明二熒煥彌光云云序

日明哉仁知豫識難易云云

隸釋

銘詞稱敘已見前此於銘後復稱敘曰者孔子贊易在本經之後詩書序史記漢書序傳亦在全書之後此用其例也案銘後稱亂稱重稱敘猶例之正也孝廉柳敏碑故孝廉柳君云云其體乃敘厥辭曰惟斯柳君云云其體乃銘末用嗚呼懷哉二句又似誄辭曰山陵元室口斯邦兮云云又似銘文無定則不可為法

國號上加大字例

史晨響孔廟後碑大漢延期彌歷億萬

隸釋下同

綏民校尉熊君碑大漢龍興口舉鄉口

光祿勳劉曜碑天臨大漢錫日明喆

吉成侯州輔碑大漢典制有恩澤之封

司馬相如封禪文揚雄解嘲河東賦班固兩都賦張衡東

京賦馬融廣成頌稱大漢又漢書賈讓奏言見薄淮南王

安上書傳見本後漢書和熹鄧皇后紀岑彭耿弇祭遵耿純

竇憲杜林朱浮張純曹褒鄭興陳寵班超王符張皓蔡邕

左雄李固段熲杜篤謝夷吾諸傳皆稱大漢西南夷傳載

白狼王唐菽等詩亦稱大漢蓋夷夏通稱也亦稱盛漢見後漢書楊敞

傳

國號上加皇字例

韓勅修孔廟後碑皇漢帝元永壽三年隸釋

皇之為大常訓也班固西都賦蓋聞皇漢之初經營也皇

漢即大漢

國號上加聖字例

桐柏廟碑位比諸侯聖漢所尊隸釋下同

太尉劉寬碑聖漢王侯繼次有國有號

太尉楊震碑聖漢龍興楊熹佐命趙相劉衡碑亦云聖漢龍興

開母廟石闕銘第七行口口口亨亨上是聖漢禋三字王

氏懷祖曰聖漢二字雖模糊而可辨禋字左邊尙存右邊

聖字上半糝糊而下半分明亨即享字 漢書賈捐之陳

湯平當揚雄王莽後漢書隗囂桓譚郎顛班彪陳寵盧放

諸傳並稱聖漢案光武七年詔曰其上書者不得言聖則

聖漢乃漢人臨文之常言也陳寵當章帝時上書已稱聖

蓋光武詔自是謙德臣下上書稱聖禮固應爾亦稱聖朝

隸釋樊毅復華下民租田口算碑誠聖朝勞神日昃稟長

蔡湛頌聖朝明哲冀州刺史王純碑聖朝嘉君 後漢書朱雲傳稱聖

朝亦稱聖帝廣漢太守沈子琚絲竹江堰碑聖帝明明是

也 亦稱聖上見漢書藝文志

國號上加神字例

周府君碑額神漢桂陽太守周府君功勳之紀銘 隸釋

神漢猶聖漢

書四時天名例

文翁石柱記漢初平五年旻天季月 集古錄 隸釋作益州太守高朕修周公禮殿

記 金石錄云今成都府學有漢時所建舊屋柱皆正上方上狹下闊此記在柱上刻之隸釋亦云此記刻于東南之一柱

亦木爾歐陽氏以為文翁石柱記者誤

爾雅秋為旻天毛詩黍離傳仁覆閔下則稱旻天然則旻

天者對春夏冬言則為秋天之名散則天之通稱也

書太歲例

逢童碑歲在協給 其後題光初四年四月五日丁卯立 金石錄 又巴郡太守樊君碑歲在汗洽其

後題建安十年二月上
旬造案協汁給治古通

穀阮君神祠碑迄光和四年作詔之歲以作噩為作詔出漢書天文志 隸釋下

桂陽太守周憬功勳銘於是熹平三年歲在攝提

堂邑令費鳳碑惟熹平六年歲浴於大炗隸續冀州從事郭君碑君年卅一以

光和二年大荒較紙月戊申晦晷而終案光和二年歲癸丑則大荒較必非大荒落紙月二字亦不可解附誌俟攷

右書歲名 案書歲名必繫以年代或碑末補書年代隸

釋載李翊夫人碑曰歲在大淵獻碑文既不繫年代碑末

又不補書年代不可為例

武氏石闕銘建和元年太歲在丁亥金石錄 隸釋敦煌長史武班碑同

金鄉長侯成碑建寧二年歲在己酉又夫人以延熹七年歲

在甲辰云云隸釋下同

司隸從事郭究碑中平元年歲在甲子

綏民校尉熊君碑建安二十一年太歲丙申

右書干支 隸釋載戚伯著碑云歲在丁亥前後俱無年

月洪氏推較以為建武或章和案碑後闕文其有年月與

否無以明之若本無年月則亦撰文者不知體例故也

日知錄曰甲至癸為十日日為陽寅至丑為十二辰辰為

陰此二十二名古人用以紀日不以紀歲歲則自有闕逢

至昭陽十名為歲陽攝提格至赤奮若十二名為歲名後

人謂甲子歲癸亥歲非古也自漢以前初不假借史記歷書太初元年年名焉即闕字逢攝提格月名畢聚日得甲子夜半朔旦冬至其辨晰如此若呂氏春秋序意篇維秦八年歲在涪灘秋甲子朔賈誼鵬賦單闕之歲兮四月孟夏庚子日斜兮鵬集子舍許氏說文後敘粵在永元因頓之年孟陬之月朔日甲子亦皆用歲陽歲名不與日同之證漢書郊祀歌天馬徠執徐時謂武帝太初四年歲在庚辰兵誅大宛也又曰歲之稱甲子也借也自亾新始也王莽下書言始建國五年歲在壽星填在明堂倉龍癸酉德在中宮又言天鳳七年歲在大梁龍集庚辰厥明年歲在寶

沈倉龍辛巳隋書律歷志王莽銅權銘曰歲在大梁龍集戊辰又曰龍在己巳歲次實沈是也自此後漢書張純傳言攝提之歲蒼龍甲寅朱穆傳言明年丁亥之歲荀悅漢紀言漢元年實乙未也曹娥碑亦云元嘉元年青龍在辛卯蜀郡造橋碑云維延熹龍在甲辰而張角訛言蒼天已死黃天當立歲在甲子天下大吉以白土書京城寺門及州郡官府皆作甲子字矣案顧氏謂干支紀年始於亾新非也王氏子中白田草堂存稿曰書詩春秋傳國語戰國策其紀年雖不以甲子而亦無有以闕逢攝提格爲歲名者惟呂氏春秋有歲在涪灘賈誼鵬賦有單闕之歲之語

疑出於戰國時星家別爲之名故史記歷書以是紀年而他紀傳則略無所見甲子歷術篇與天官書亦有不同而漢志所書亦小異則爾雅所云已不盡可據況爾雅博士立於王莽時王莽取爲慕古而其下書云癸酉云庚辰云辛巳不以歲陽歲名則可知古之不以歲陽歲名紀歲也索隱謂爾雅近代之作故與史漢志有不同者則不知古人紀歲從爾雅所云乎抑從史漢志乎爾雅亦有月陽月名史歷書歲名闕逢攝提格月名畢聚固一例也可謂古人以月陽月名紀月乎古人簡質紀年但以一二數而不及甲子且爾雅云太歲在甲曰闕逢太歲在寅曰攝提格

則是先有甲子乙丑而後別爲之名不知古人何以支贅若此乎以顧氏之博學而所引據止呂氏春秋賈誼賦及許叔重說文後敘亦可知前之一無所據矣又黃帝素問亦戰國之書其論運氣則以甲子紀年不以歲陽歲名蓋不可以十二數故變而從甲子則固不始於王莽也而謂古人必以歲陽歲名紀年豈其然乎案王氏謂干支紀年不始於莽是也至於月名紀月古人有之國語至於元月

隸釋益州太守城垣碑至于元月本此

是春秋時以月名紀月也楚詞離騷

云攝提貞於孟陬兮是戰國時以歲名月名紀月也歲陽歲名月陽月名當是一時所制後人紀歲或用歲名或用

干支初無定例淮南子天文訓云攝提格之歲單闕之歲
 執徐之歲大荒落之歲敦牂之歲協洽之歲涸灘之歲作
 鄂之歲掩茂之歲大淵獻之歲困敦之歲赤奮若之歲此
 以歲名紀年也又云淮南元年冬太一在丙子錢氏塘補
 注武帝太初元年太歲在丙子淮南王安以文帝十六年
 自阜陵侯進封是年下距太初元年六十筭則太歲亦在
 丙子矣名太一為太歲從其本名太一在丙子即闕逢攝
 提格之歲又云太陰元始建于甲寅錢氏補注此太陰在
 闕逢攝提格之歲非太歲也此太陰紀年之義錢氏以太
 歲太陰為
二與廣雅異而干
 支紀年無異說 此以干支紀年也陔餘叢考曰爾雅太

歲在甲曰闕逢乙曰旃蒙在寅曰攝提格卯曰單闕雖有
 闕逢等名而曰在甲在乙是未嘗不以紀歲又曰律歷志
 有太歲在子太歲在丑之文則以之紀歲矣建子建丑建
 寅之異其朔則以之紀月矣漢書五行志有日加巳日加
 未之語則以之紀時矣此皆在新莽以前不得謂自莽始
 也蓋干支之義所該者廣甲子與攝提格之類字雖異而
 義本同古人恐年月日時易混故分別紀之其實一也
 邵氏晉涵爾雅正義曰爾雅所釋歲名即春官馮相氏掌
 十有二歲之位也十二歲為一終合歲陽於歲名終十二
 歲者五積歲六十是謂一周爾雅所謂月名即馮相氏所

掌十有二月之位也合月陽於月名亦六十而一周至於
自甲至癸馮相氏所掌十日之位也自寅至丑馮相氏所
掌十有二辰之位也十日十二辰數第六十周則更始六
六相乘準以敘歲古者紀歲紀月各有定名所以驗天行
之轉也故歲陽歲名月陽月名次之

書倉龍例

韓明府修孔子廟禮器碑永壽二年青龍在涪灘集古錄

外黃令高彪碑光和七年龍在困敦碑末惟中平二年龍旂

奮若隸釋

山陽麟鳳瑞像碑漢盛德中興卽政二年辛酉之部首歷六

十麟青龍起蟬媽

爾雅注單闕音丹邊一音蟬媽永建二年歲在丁卯故此碑用蟬媽字蟬與蟬同

隸續

右書歲名

曹娥碑以漢安迄于元嘉元年青龍在辛卯古文苑

文翁石柱記漢初平五年倉龍甲戌

顏有意謂獻帝無初平五年當是興平元年蓋

時天下喪亂西蜀僻遠年號不通故仍稱舊號也今檢范氏漢書本紀初平五年正月改爲興平顏說是也 集古錄

荊州刺史度尙碑永康元年龍集丁未隸釋

蜀郡屬國辛通達李仲曾造橋碑惟延熹龍在甲辰同上

右書干支 倉龍卽太歲廣雅釋天青龍天一太陰太歲

也王氏疏證曰爾雅太歲在寅曰攝提格淮南子天文訓

太陰在寅歲名曰攝提格開元占經歲星占篇引許慎注云太陰謂太歲也天文訓又云天神之貴者莫貴於青龍或曰天一或曰太陰太平御覽引尚書考靈耀青龍甲寅攝提格孳鄭注云青龍歲也歲卽太歲周官保章氏十有二歲之相鄭注云歲謂太歲歲星爲陽右行於天太歲爲陰左行於地十二歲而小周是也或曰攝提開元占經歲星占引甘氏云攝提格之歲攝提在寅歲星在丑是也青龍或曰倉龍漢書王莽傳歲在壽星倉龍癸酉服虔注云倉龍太歲是也太陰或曰歲陰史記天官書云攝提格歲歲陰左行在寅歲星右轉居丑是也 錢氏淮南子天文

訓補注云青龍天一太陰皆謂陰德也入卯宮故曰青龍此青龍非太歲又云周禮保章氏注歲星爲陽右行于天太歲爲陰左行于地十二歲而小周鄭所謂陰據太歲對歲星言之尙非謂歲陰既入歲歲星行有左右則與斗建日躔無異故樂說云歲星與日常應太歲月建以見謂歲星與日同次之月其斗所建之辰常有太歲也古人視歲星以知太歲因以太歲名年爾雅太歲在甲曰闕逢在寅曰攝提格是也至西漢時復因太歲而知歲陰命其時所謂顓頊歷上元爲太歲甲寅推前三百三十八筭而得太陰甲寅于六十干支後三十八筭于十二辰則後二筭必

三百三十八筭者略以五星通率推得之其氣朔則正月朔旦啟蟄也故天官書曰攝提格歲歲陰左行在寅歲星右轉居丑丑為星紀日月五星于是始故治歷者必用此為十二次之首即以為歲陰在攝提格之歲其太歲則在子是以孝武太初元年太歲在丙子而詔以為復得焉逢攝提格之歲蓋用歲陰名也小司馬不知其義謂史漢歷法不同誤矣歲星在丑歲陰在寅則歲星在子歲陰在卯歲星在酉歲陰在午可知由是一左一右周行十二辰淮南由太陰以推歲星義正同也案錢氏辨論本於錢氏大昕潛研堂集而高郵王文簡經義述聞太歲考以太歲太陰天一攝提青龍為一其說甚核俟更詳之

書星次例

樊毅修華嶽廟碑惟光和元年歲在戊午名曰咸池

集古錄
隸釋

古文苑作西嶽華山亭
碑古文苑戊午作戊子

隸釋曰淮南子論天之四宮曰咸池者水魚之圃天官書云西宮咸池曰天五潢奎婁胃昴畢觜參居之敦牂歲歲星以五月與胃昴畢晨出東方名曰天津蓋三宿在西宮之中而歲星以午年舍其分故以咸池為名所云天津者亦取五潢之意淮南又以斗杓為小歲咸池為大歲而謂其每歲自卯逆行四仲即陰陽家所推以忌乘航者是也

許祭酒注云咸池星名水魚天神蓋經星隨璇機之運不可離其次者周流四仲當是其神爾故晉志又曰咸池魚圍也案晉書志天文上云五車五星三柱九星在畢北其中五星曰天潢天潢南三星曰咸池魚圍也隋書志天文上略同又云咸池明有龍墮死猛獸及狼害人若兵起淮南天文訓曰正月建寅月從左行十二辰咸池為太歲二月建卯月從右行四仲終而復始錢氏補注曰淮南有兩太歲此太歲非太一也或說太當為大然義則同咸池直參參主斬伐咸池在其上故不可向太史公曰西宮咸池猶言西宮白虎也

唐會要載九宮貴神天蓬星太乙坎水白天內星攝提坤土黑天衡星軒轅震

木碧天輔星招搖巽木綠天禽星天符中土黃天心星青龍乾金白天柱星咸池兌金赤天任星太陰艮土白天英星天乙離火紫東方朔七諫云哀人事之不幸兮屬天命而委之

咸池亦以咸池為凶神咸池所建當以日所在定之正月日在亥加時酉則咸池在午二月日在戌加時巳則咸池在卯三月日在酉加時丑則咸池在子四月日在申加時酉則咸池在酉以此差次夏三月加時如春三月秋冬亦然而寅午戌之月咸池常在午亥卯未之月咸池常在卯巳酉丑之月咸池常在酉申子辰之月咸池常在子所以然者咸池屬金巳酉丑三時亦金也故必以其時居于四正而其月自以木火金水為類不相凌越也 錢氏潛研

堂文集問淮南以咸池爲太歲與它書所言太歲又異何故曰淮南書云斗杓爲小歲咸池爲大歲又云大時者咸池也小時者月建也咸池與月建大小相對初未嘗指咸池爲太歲其作太歲者後人轉寫之譌吳斗南兩漢刊誤謂淮南不名天一爲太歲又自以咸池名之則南宋本已誤又與梁燿北論史記書咸池本兼五潢五車三柱而言故云天五潢又云五帝車舍其匡衛甚廣因以表西方諸宿淮南天文訓咸池者水魚之圃也又云斗杓爲小歲咸池爲大歲蓋斗爲帝車咸池亦以五車爲匡衛皆有運行之象故指其所建以定四時天潢之義與咸池同潢卽池

也後人析爲數名以小星當咸池失其義矣史公以紫宮房心權衡咸池虛危爲天之五官豈專指三小星而言哉又養新錄曰歲在子卯午酉則歲所直之月正當咸池之位如卯年卯月咸池在卯午年午月咸池在午酉年酉月咸池在酉子年子月咸池在子故名曰咸池也咸池大歲與斗杓小歲相對洪氏謂歲星以午年舍其分故以咸池爲名此則誤會史記之意史記所謂歲陰在午歲星居酉者謂太陰在午非太歲在午也若太歲在午則歲星當以五月與東井輿鬼晨出東方與咸池無涉矣

祝長嚴訢碑和平元年歲治東宮星屬角房月建朱鳥

金石錄

荆州刺史度尚碑永康元年歲在鶉尾隸釋
外黃令高彪碑惟中平二年月次星紀同上

日知錄曰春秋之世各國皆自紀其年或參互而不易曉
有舉歲星而言若歲五及鶉火歲及大梁歲在姬訾之口
也案周亦用星次紀時不但列國為然周語伶州鳩曰昔
武王伐殷歲在鶉火月在天駟日在析木之津辰在斗柄
星在天竈星與日辰之位皆在北維古人以星次紀時其
詳如此

書月律例

祝長嚴訢碑月建朱鳥中呂之均金石錄

堂邑令費君碑无射之月同上

律中中呂者夏正四月律中無射者夏正九月均即韻字
所謂律中也月令鄭注云律候氣之管以銅為之中猶應
也謂吹灰也正義蔡邕云以法為室三重戶閉塗墾必周
密布緹縵室中以木為案每律各一案內庫外高從其方
位加律其上以葭灰實其端其月氣至則灰飛而管通如
蔡所云則是為十二月律布室內十二辰若其月氣至則
其辰之管灰飛而管空也然則十二律各當其辰邪埋地
下入地處庫出地處高故云內庫外高黃鐘之管理於子
位上頭嚮南以外諸管推之可悉知

書朔例

修西嶽廟復民賦碑光和二年十二月庚午朔十三日壬午

集古錄 又唐君碑光和六年

二月壬午朔二十五日丙午

西嶽石闕銘永和元年五月癸丑朔六日戊午

金石錄 又武氏石闕銘

建和元年三月庚戌朔四日癸丑又禹廟碑光和二年十二月丙子朔十九日甲子

孔廟置守廟百石孔龢碑元嘉三年三月丙子朔廿七日壬

寅又永興元年六月甲辰朔十八日辛酉

隸釋 又魯相史晨祠孔廟奏銘建

甯二年三月癸卯朔七日己酉又廣漢太守沈子琚縣竹江堰碑熹平五年五月辛酉朔一日辛酉又綏民校尉熊君碑

後見

吳氏仁傑兩漢刊誤補遺曰三王世家並載諸臣奏疏其

著朔可為後世法程曰三月戊申朔乙亥御史臣光守尙

書令丞非下御史書到言丞相臣青翟御史大夫臣湯云

云昧死上言臣請立臣闕臣且臣胥為諸侯王云云制曰

可四月戊寅朔癸卯御史大夫湯下丞相丞相下中二千

石二千石下郡守諸侯伯前言戊申朔則乙亥為二十五

日矣前言戊寅朔則癸卯為二十六日矣中興以後有司

失其傳如先聖廟碑載三月丙子朔二十七日壬寅修西

嶽廟碑載十二月庚午朔十三日壬午烏有知朔為丙子

庚午而不知壬寅壬午為二十七日十三日者哉斯近贅

矣今世碑記祭文踵先漢故事可也 日知錄曰今人謂

日多曰日子日者初一初二之類是也子者甲子乙丑之類是也周禮職內注曰若言某月某日某甲詔書或言甲或言子一也文選陳琳檄吳將校部曲文年月朔日子李周翰注曰子發檄時也漢人未有稱夜半為子時者誤矣古人文字年月之下必繫以朔必言朔之第幾日而又繫之干支故曰朔日子也又曰漢人之文有即朔之日而必重書一日者江壇碑朔一日辛酉熊君碑朔一日丙寅此則繁而無用不若後人之簡矣 處士嚴發殘碑云戊申朔五日癸丑隸續載此碑而解之曰召誥云戊午社于新邑越七日甲子是從戊至甲為七日畢命云六月庚午朏

越三日壬申亦是從朏至壬為三日西漢律歷志引逸書粵五日乙卯亦然惟武成云丁未祀于周廟越三日庚戌則是祀廟之後三日去丁而不數與召畢二篇立文不同此碑正用武成句法案嚴發碑去戊不數別為五日雖用武成句法然非正例不錄

書閏例

太傅安樂侯胡公夫人靈表建寧三年薨其閏月附于太夫

人蔡中郎集

無名碑光和四年閏月庚申

集古錄案此即敬仲碑集古錄重見誤金石錄曰其額云漢

揚州刺史敬君之銘

日知錄曰通鑑書閏月而不著其爲何月謂倣春秋之法非也春秋時閏未有不在歲終者自太初歷行每月皆可置閏若不著其爲何月或上月無事則後之讀者必費於追尋矣新唐書亦然惟高宗顯慶二年正月無事乃書曰閏正月壬寅如洛陽宮案春秋時置閏不定在歲終錢氏大昕閏月說云先王之正時也履端於始舉正於中歸餘於終所謂歸餘者謂有餘日則歸之於終積而爲閏非歲終之謂也何以言之春秋經傳書閏月者九襄九年閏月杜氏謂門五日之訛其餘八閏惟成十七年閏月昭二十二年閏月傳文上有十二月其在歲終無疑若文六年閏

月不告朔傳在冬十一月之後則未知其在十一月與十二月與僖七年閏月惠王崩哀五年閏月葬齊景公哀十五年閏月渾良夫與太子入經傳皆上有冬字則未知其在十月與十一月與十二月與文元年閏在三月昭二十二年閏月殺宣姜傳文上有八月下有十月故孔氏以爲閏在八月後此兩閏不在歲終傳有明文也然則春秋何以譏閏三月曰漢志文公元年閏餘十三閏當在十一月後而在三月故傳曰非禮此據三統歷言之也杜預云於法閏當在僖公末年誤於今年置閏此據長歷言之也漢志謂失之前杜氏謂失之後兩說不同要非以其不在歲終

而譏之也然則秦漢何以書後九月曰此秦法非古法也秦法應置閏者置之歲末漢初猶因之蓋傳會左氏歸餘於終之文而失之者也謂爲秦法有徵乎曰漢人固言之矣續漢志延光二年尙書令終上奏謂漢祖受命因秦之紀十月爲年首閏常在歲終不稽先代違於帝典是也孫氏星衍閏月古不在歲終辨云宣城梅氏云考古以歲終置閏爲合定時以無中氣置閏爲安云云案無中氣置閏卽是古法古無歲終置閏術也左氏襄二十七年十一月日有食之辰在申司歷過也再失閏矣漢書律歷志辰者日月之會而建所指也孟康注辰謂斗建杜預注謂斗建

指申周十一月今九月斗當建戌而在申是古視斗柄正閏之據又哀十二年十二月螽仲尼曰火伏而後蟄者畢今火猶西流司歷適也杜預注火心星也火伏在今十月猶西流言未盡沒知是九月歷官失一閏案火星在卯度火西卽卯加酉卯加酉則辰加申子加午中星爲虛是古視中星卽知斗柄之證周書閏月無中氣斗指二辰之間王肅注虞書亦云斗之所建是爲中氣日月所在斗指兩辰之間無中氣故以爲閏也據此二說則顧氏謂春秋時閏未有不在歲終誤也閏不在歲終而不書月數自是作史之體顧氏駁之非也史記呂后孝景紀秦楚之際月表

高祖功臣年表建元以來侯者年表王子侯年表並稱後
九月延秦制文穎所謂時律歷廢不知閏謂之後九月是
也置閏以後則書閏月不書月數建元以來侯者年表元
封元年閏月徐廣曰閏四月是也兩漢書帝紀天文志漢
書王子侯表下景武功臣表百官公卿表下後漢書五行
志閏月皆不書用數惟王子侯表樂平侯訢下云閏六月
壬午封此則誤衍六字不得執此以變全書之例也後漢
書郎顛傳詣闕拜章曰臣竊見去年閏十月十月己丑此
則封事宜詳明與紀載體別又案金石同例博古圖載漢
書言府弩機銘云延光三年閏月亦閏月不書月數之證

書廿書卅書卅字例

孔廟置守廟百石孔龢碑元嘉三年三月廿十日云云同下
釋

右書廿隸釋老子銘無極山碑青衣尉趙孟麟羊竇道碑
溧陽長潘乾校官碑敦煌長史武斑碑郎中鄭固碑中常
侍樊安碑冀州刺史王純碑司隸從事郭究碑小黃門譙
敏碑圉令趙君碑綏民校尉熊君碑高陽令楊著碑成陽
令唐扶頌費亭侯曹騰碑陰金廣延母徐氏紀產碑益州
太守城垣碑隸續防東尉司馬季德碑建平郫縣碑武都
太守李翕天井道碑司隸校尉楊淮碑韓勅孔廟後碑陰

漢石例 卷六 三 連筠篔叢書

博士題字黃龍甘露碑真道家地碑斥彰長田君斷碑並同

無極山碑在西南卅里云云

右書卅隸釋梁相孔耽神祠碑郎中馬江碑費鳳別碑綏民校尉熊君碑國三老袁良碑車騎將軍馮緄碑執金吾丞武榮碑隸續漢安長陳君閣道碑繁長張禪等題名封邱令王元賓碑延年益壽柳題字並同

孔廟置守廟百石孔龢碑選其年卅以上經通一藝云云
右書卅隸釋梁相孔耽神祠碑郎中鄭固碑議郎元賓碑郎中馬江碑博陵太守孔彪碑趙相雍勸闕金廣延母徐

氏紀產碑隸續膠東令王君廟門斷碑冀州從事郭君碑堵陽長劉子山斷碑並同案說文十部云廿二十并也古文省多尙下云廿古文疾童下云廿古文以為疾卅部云卅三十并也古文省惟卅字未收然林部云𠄎無豐也从

林爽爽或說規模字從大卅卅數之積也說文本文俱依段氏訂增

是說文已有此字段氏說文注曰省多者省作二十兩字為一字也考工記程長倍之四尺者二十分寸之一謂之枚本於二字為句絕故書十與上二合為廿此可證周時

凡言二十可作廿也古文廿仍讀二十兩字秦碑小篆則維廿六年廿九年卅有七年皆讀一字以合四言廿之讀

如入卅之讀如鞞皆自反也至唐石經二十皆作卅三十皆作卅則仍讀為二十三矣顧氏金石文字記唐石經凡二十字皆作卅三十

皆作卅案古詩之文多是四言如于三十里三十維物皆四言也則當為三十字史記秦始皇刻石如廿有六年維廿九年卅有七年則當如卅字卅卅篆不見於本書未部字今改經文而為卅卅字非矣

桂下曰卅又用卅字漢石經論語年卅見惡焉是卅為四十并猶廿為二十并卅為三十并也其音則廣韻先立切四十之合聲猶廿讀如入卅讀如鞞也廣韻引說文云數

名卽此 惠氏棟左傳補注曰隱二年傳惠之二十四年唐石經廿四年下惠之三十年唐石經卅年此古文左氏傳本文也說文廿二十并卅三十并古文省說文所謂古

文乃孔壁中文也蔡邕石經論語云卅而立又云年卅而見惡焉又云凡廿六章鐘鼎文如秦權微欒鼎二十字作廿石鼓文周陽侯鐘二十字作卅可為左證案鐘鼎文書廿書卅尙不止此博古圖載漢孝成鼎汾陰宮鼎並書廿漢好時供廚鼎綏和壺並書卅廿亦或書十十見汾陰宮鼎

鼎 碑末書立碑年月朔日太歲例

綏民校尉熊君碑末建安廿一年七月丙寅朔一日丙寅

太歲丙申造

隸釋

有書年月日不及朔與太歲者武都太守李翁碑

碑云建寧四年

六月十三日壬寅 斥彰長碑 碑云熹平六年十月九日辛酉造 逢盛碑 碑云

光和四年四月 圉令趙君碑 碑云初平元年十二月二十

五日丁卯立 常例不書年月旬不書日者巴郡太守樊君碑 碑云建安

備錄 上旬造 漢安長陳君閣道碑 碑云永建五年孟 書年月

金石錄 不書日者成陽靈臺碑 碑云建寧五年 文有詳略無義例

五月造 隸釋 也

碑末書立碑人爵里姓名及年月日例

溧陽長潘乾校官碑末丞沛國銓趙勳字蔓伯云云時將作

吏名戶曹掾楊淮云云光和四年十月己丑朔廿一日己酉

造隸釋

官書里書字吏不書里書字卑者略之也 有書立碑人

爵里姓名及立碑年者白石神君碑 碑云光緒六年常

季祖云云 書立碑爵里姓名及立碑年月日者武都太守

隸釋 耿勳碑 碑云熹平三年四月廿日壬戌四 書立碑爵里姓

及立碑年月日外黃令高彪碑 碑云惟中平二年龍旂奮

舒范府君云 不名者尊之不字者卑之月日不備者略之

碑末碑陰書立碑人姓字不書名例

殘碑陰王伯鄉趙仲方云云 集古錄

太尉楊震碑陰河間賈伯綺博陵劉顯祖云云 同上

魯相韓勅造孔廟禮器碑末故涿郡太守魯庶次公故會稽

連筠篔簹叢書

太守魯傅世起故樂安相魯庶季公云云碑陰河南成皋蘇漢明河南雒陽李申伯云云隸釋 案碑陰曲成侯王景書名

童子逢盛碑陰五官掾崔孟祖云云同上

元儒先生婁壽碑陰故五官掾婁口守長史掾夏光淵云云

同上

高陽令楊著碑陰口口孫甫口鉅鹿時稚明云云汝南陳萬

昌云云同上

冀州刺史王純碑陰東平馮定伯云云隸續 隸續曰漢人題名間有數人稱字

全碑不名者楊震楊著王純婁壽四碑

司隸校尉魯峻碑陰文臺郗仲軍云云同上

蕩陰令張遷碑陰故安國長韋叔珍云云金石萃編 案碑陰凡四十一人惟

范巨范成韋宣三人似書名餘皆書字錢氏金石文跋尾曰古人命字有祇一字者三人當亦其字是也

隸釋曰漢人題名必書名字否則各有說也楊震碑陰孫

定博諸人不名者非其門生也逢盛碑陰崔孟祖數人不

名者其父黨也題名於韓勅碑左即碑末凡八人魯之二庶

一傳不名者別守相之尊也案此說錯韓勅碑左守相皆書名二庶一傳皆已故當是

齒德俱尊張納碑陰主簿白文已下不稱字者示其卑於從事

李元也案碑李元名字並見白文已下有名無字是以書字為尊史晨後碑五官掾孔

暢六人不稱字者亦示其卑於長史李謙也案碑李謙名字並見孔暢

等有名無字韓勅碑左褒成侯孔建壽爵齒俱尊而在子姓之

間宜其不名餘人雖不見爵秩當亦是一時耆老獨曲成侯王暲一人不稱字豈爵雖襲而年尚穉者乎又曰楊著

碑沛君沛相統也後公太尉秉也

碑云鉅鹿時稚明云云右後公門生汝南陳萬

昌云云右沛君門生

沛君者著之從兄後公者著之季父非著之門生故不名案碑陰書名字常例也其有單書名以示卑單

書字以示尊如洪氏所言是也然亦有卑賤者單書字隸

釋載龍門禹廟題名宗季方云云洪氏據趙氏以為龍門

復民隸續載韓勅後碑陰孔子冢下復民吳仲初云云或

書字或書小名洪氏謂皆羣小不當律令案尊卑不嫌同

辭有以書字尊其人有以書字略其人也

碑末書撰文寫碑刻碑人姓名例

李翕析里橋郿閣頌碑末從史位□□□□字漢德為此頌

故吏下辨□□□子長書此頌時石師南□□□威明

隸釋

隸續曰李翕天井道碑題名從史位下辨仇靖字漢德書文郿閣題名云從史位字漢德為此頌中間姓名刊闕得此乃知前碑亦仇所作

僅書寫碑刻碑人姓名不及撰文人者巴郡太守樊敏碑

碑云石工劉盛息燥書隸釋

南安長王君平鄉道

續曰劉盛刻其石而厥子落筆也

隸

碑云兼戶曹掾何童史道興造

書崖師朱仲王回

隸

質不分析

作碑文

僅書撰文人者太尉橋元碑

碑云光元和元年主

丞沛國蕭曹芝宣成武令中山安熹曹种防東長
 邳良成徐崇故陳留府丞魯國魯隸釋兩漢
 齊國臨淄紀伯允書此碑嚴祺字伯會隸釋今不見
 金石記曰小歐陽集古錄目云嚴祺字伯魯隸書此碑下乃
 此文久矣據洪氏隸釋載是碑未云紀伯允書此碑下乃
 云嚴祺字伯會曾魯二字未知孰是然驗其文勢則書者
 紀伯允而非嚴祺紀伯允三字上有關文或是紀伯允
 紀是其名伯允是其字宋可知也案翁氏謂紀上闕姓是
 也謂是伯允書非也是碑末書立碑人先書爵次郡名次
 縣名次姓名字其末特書書此碑嚴祺字伯會文法與前
 變則書者嚴武都太守李翁天井道碑碑云從史位下辨
 隸非伯允也隸續載此碑去揮翰遣詞皆斯人也案碑言書文不言
 撰文遣詞人不定為靖水經注渭水篇華山漢文帝廟碑
 遣詞皆一人也碑文不載無以知其體式故不錄僅書刻
 碑人者綏民校尉熊君碑碑云碑師春皆從略也
 碑末書市石察書刻碑人姓名例

西嶽華山廟碑末京兆尹勅監都水掾霸陵杜遷市石遣書

佐新豐郭香察書刻者潁川邯鄲公修蘇張工口君隸釋

隸釋曰東漢循王莽之禁人無二名郭香察書者察洩他

人之書小歐陽以為郭香察所書非也金石文字記曰察

書乃對上市石之文則香者其名而特勘定此書者爾考

之博古圖諸書有孝成鼎銘曰工王褒造左丞輔掾

譚人守令史永人省句大官銅鐘曰考工令史古人丞或

令史由丞或令通名太僕監掾蒼人省句案博古圖漢太官

主太僕監掾蒼省名綏和壺曰掾臨人主句博古圖載此

乳護級疑三人守右丞同人守令寶人省句上林鼎曰工史榆

造句監工黃佐李負芻言省言監即察書之類也

三集漢

延熹華嶽廟碑跋曰郭香察書或以為郭香書者無顯據或以為蔡伯喈書者語見都南濠元敬引徐季海浩古跡記今以後漢書蔡邕傳推之桓帝時中常侍徐璜左悺等五侯擅恣聞邕善鼓琴遂白天子勅陳留太守督促發遣邕不得已行到偃師稱病而歸間居翫古不交當世建甯三年辟司徒橋元府案五侯擅恣在桓帝延熹二年邕恥以宦官進故至偃師以病回里延熹八年春悺以罪自殺度邕此時始稍出遊入關故八年至華陰為太守書碑而郭香適奉京兆尹遣來察書因此相識或相交契靈帝熹平四年郭香為太史治術郎中馮光陳晃上言天元不正攻及郭香詔下三府集議伯喈首發議遣郭香四分術為非妄光晃議罪是伯喈與郭香學術交遊之蹤蹟也

碑文左旋例

江原長進德碣君諱龍字進德故蜀郡江原長延熹三年工

口孟彥造作

隸釋

隸釋曰碣文由左而右案博古圖周言肇鼎銘威君鼎銘仲馭父敦蓋銘其文並左旋金石同例故碣文由左而右徐君鼎曰薛氏欵識載君季鼎方寶獻文皆左旋案薛氏書田季加匱冀師艱文皆由左而右又伯寶卣第三蓋文左旋器文右旋仲駒敦蓋文右旋器文左旋

碑文橫書例

處士金恭闕橫書處士金恭字子口

隸釋

隸釋曰以墓碣及金廣延母碑參之知其字子肅此字橫刻隸續曰金恭闕橫刻金君姓名次列一人執扇乘馬知是金君案橫書乃外夷書體史記大宛列傳安息畫革旁

行以為書記漢書音義曰橫行為書記史記索隱曰韋昭云外夷書皆旁行徐君璆曰薛氏欵識載諸旅鬲及張仲簠四器似亦橫書者

蜀郡屬國造橋碑碑首橫書蜀郡屬國明府潁川陽翟辛君

字通達卿鍵為李君字仲會□□□隸釋

隸釋曰碑首刻二人冠帶相向而坐一器居中如豆登之

狀後有二人折腰低首雙垂其袖若胡舞者其上橫行有

數字惟府卿明府四字不毀二人之下又橫刻二十有六

字仲會下三字不可曉

碑陰有額例

太尉郭禧碑陰額故吏人名金石錄

泰山都尉孔宙碑陰額門生故吏名隸釋

中部碑陰額中部碑同上

司空宗俱碑陰額門生立碑人名隸續

陳德碑陰額故門下史人名金石萃編

諸額皆直書其有橫書者隸續載尉氏令鄭季宣碑陰橫

書尉氏處士故吏人名是也不別為例 又白石神君碑

陰額務城神君錢二萬云云見沈君濤常山貞石志案出錢人亦稱

神君此非禮也故不錄

碑陰標目例

王純碑陰首行自標云諸門生人名續 額者書於碑文之上標目者即碑文之首行與碑文平故別為例

碑陰書立碑人錢數例

靈臺碑陰司徒掾仲選孟高出錢二千鉅鹿太守仲訢伯海出錢萬呂長仲球伯儀出錢三萬七千云云隸釋下同

魯相韓勅造孔廟禮器碑潁川長社王元君真二百云云故涿郡太守魯廡次公五千云云

義井碑陰五大夫王口本二萬五大夫殷口本二萬云云 碑陰條列出錢立碑人爵里姓名字不書錢數此取得體

然俗士捐財急於自見不書錢數則樂輸者無以勸乃於漢碑中錄其書出錢若干者書本若干者以示例餘不悉錄

碑陰書立碑出錢人子弟統於父兄例

太尉陳球碑陰故吏云云息口故吏云云息權隸釋

右子統於父隸釋曰此碑前二行特書兩人之事與他

碑不同雖文字漫滅其中皆有息字次行息之上又有早終字蓋謂二人者已卒所出緡錢則其子也

靈臺碑陰義民陳彥弟富富弟贖出錢千隸釋

韓勅孔廟後碑陰故苦令任城李馥叔華弟郎中季華三千

隸續

右弟統於兄

碑末既書出錢人姓名復於出錢人中稱美其好義樂

輸者例

成陽靈臺碑陰惟仲阿東年在元冠幼有中質遵矩蹈規上

仁好義見羣從無者代出錢萬以立碑大意翻然君子善之

恩加骨口鄉朝所稱縣令菅君即請署門下議生都市掾官

未可測矣

隸釋

碑陰末稱美工師例


成陽靈臺碑陰末仇福字仲淵累世同居州里稱術同述慈孝

大聖立祠時令菅君欲造皇屋墜廡來索忠良咸白福閭葵

溢口口離口周理字文機口口口口嚴萌將作福更縣掾

功曹府諸曹史府諸曹史守尉

下闕隸釋



漢書卷六

右弟統


傳本

輸者例

成陽靈臺

仁好義見

恩加骨



此曹叔蓄曹史叔蓄曹史守錄棘舉不關

益□□鱗□周野字文繼□□□□□蠟前錄卦師更繼紉

大聖立師制合管昏裕登皇星墾蕪來柔忠夏烈白師閭葵

